

خبرنگار محاکمه

جمعه ایرتسی

نومرو	جمادی الاول	سنه	ایلول	سنه	صحیفه
۱۰۴۷	۱۱	۱۳۱۷	۴	۱۳۱۵	۱۵۰۶۹

(اشهر غزنه بهر هفته جمعه ایرتسی کونلری بیقرار . نه لکی در سعادت ایچونه مجیدیه یلکری غروسه)
 (مسایله التمه غروشدر . طشره لر ایچونه اوله بسه غروسه یوسه اصرتی ضم اولنور . بهر)
 (نسف سی یه مجیدیه یلکری غروسه اولور اوزره یوزیاره هیرده صانیور . درج اوله جوه اعلواناک)
 (هیرنده بر مجیدیه اهن اولنور . نه لکه مشتری اولور استیاندل عدلیه نظارتی دایره ندره لائیه جریده)
 (محاکم اداره نه مراجعت ایلملیر .)

قسم غیر رسمی

طرفینک اعتراض وجواب لایحه لریله بالمطالعه
تدقیقات تمیزیه اجرا سنه ابتدار اولندی

اعلام مذکورک خلاصه مالی مومی الیه
شکری افندی ایکنجی محکمه تجارتیه مراجعتله
مومی الیه احمد افندی الیه ینلرنده منعقد اولان
شرکت معاملاتندن طولایی عند المحاکمه اون
بشیک غروش الهجنی ظهور ایده جکندن
حسابلرینک رؤیتله تبیین ایده جک الهجنک
تحصیلی حقنسه اقامه ایلدیکی دعوانک اجرای

بحر سیاه ارکلی قصبه سنک سلطان سلیمان
محلّه سنده ساکن چیقرقچی اوغلی احمد افندی
ایله در سعادتده چهارشنبه ده بکجکز محلّه سنده
مقیم موالدین شکری افندی یننده متحدث
دعوایه دائر ایکنجی محکمه تجارتدن ویریلان ۲۶
تموز سنه ۱۳۱۳ تاریخلی اعلام مومی الیه احمد
افندی طرفندن تمیز ایدملکه اعلام مذکور

محاکمه سی ضمننده تعیین اولنان کونده مومی الیه
احمد افندینک اجابت ایتماسی اوزرینه وکیل
مسخر حضور یله اجرا قلنان محاکمه و تدقیقات
نتیجه سنده اعتراض وقوعه تعلیقاً مبلغ مذکورک
مع فائض تحصیلنه حکمدن ومستدعینک اشبو
حکم علیهنده لایحه سنده محرر اعتراضاتک
خلاصه سی اصول محاکمه حقوقیه قانوننک
سکسانجی ماده سنده محرر اولدینی وجهله بشبیک
غروشدن فضله اولان بوکی دعوالرک شهود
شخصیه ایله اثبات اولنمویب اوراق رسمیه ایله
اثبات ایدلسی لازم کلور ایکن محکمه جه بوراسنه
دقت اولنمیه رق حکم اولنمسی مخالف قانون
اولدیندن اعلامک نقضی استدعاسندن ومدعی
علیهک نتیجه جوابی دخی اعتراضات مسروده نک
واهی ایدوکی بیانیه ردی وموافق قانون اولان
اعلامک تصدیقی طلبندن عبارت بولنمشدر

ایجابی مذاکره اولندقدده اعلام میزبه
مندرجاتندن منقهم اولدینی اوزره دعوای
واقعہ نک بر شرکت تجاریه دن متولد اولسنه کوره
بونک قانون تجارتک قرقجی ماده سی موجبجه
میزلر معرفتیه رؤیت ایتدیرلمسی لازم کلور ایکن
محکمه جه بوجهتک نظر دقتہ النیمه رق حکم
اولنمسی مغایر قانون اولدیننه بناء اصول محاکمه

حقوقیه قانوننک ایکوز قرق برنجی ماده سی
موجبجه اعلام مذکورک نقضیه قانون مزبورک
ایکوز قرق دردنجی ماده سی حکمنه توفیقاً
کیفیتک بالرؤیه اعلامه ربطی ضمننده محکمه
مذکوره یه اعاده سینه وزیرده مفرداتی مرقم
اوچوز طقسان اوچ بحق غروش مصارف
تمیزیه نک ایلروده حقسنر چیه جحق طرفه عائد
اولق اوزره اول امرده مومی الیه احمد افندین
اخذینه ۶ نیسان سنه ۳۱۵ تاریخنده متفقاً قرار
ویرلدی .



عثمانجق قضاسی زراعت بانق شعبه سیله
عثمانجق قصبه سنده مقیم علی باز اوغلی علی پیننده
محدث دعوایه دائر قضاء مذکور بدایت
محکمه سندن ۲۵ تشرین ثانی سنه ۳۰۸ تاریخی
ویکرمی اوچ عدیده ویریلان اعلام شعبه
مذکور وکیلی مصطفی رشدی افندی طرفندن
تمیز ایدلمکله باش مدعی عمومیک مأموریت
علیه سنک مطالعه نامه سی الدقندن صکره اعلام
مذکور یالکزن مستدعینک اعتراض لایحه سیله
بالمطالعه تدقیقات تمیزیه اجرا سنه ابتدار اولندی

اعلام مذکورک خلاصه مالی شعبه مذکوره
وکیلی مومی الیه مصطفی رشدی افندی مزبور علی باز
اوغلی علینک ملغا منافع صندیقی سرمایه سندن
طقسان تاریخنده باسند استقراض ایتش اولدینی
ایکوز اوتوز سکنز غروش یکرمی اوچ بحق پاره نک
مع فائض تحصیلنی طلب ودعوی وبر قطعه سند
ابراز واعطا ایتسی ومدعی علیه مزبور علی دخی
مبرز سندله حاوی اولدینی مبلغ بورجی ایدوکی
اقرار ایتسی اوزرینه اولبابده اجرا قلنان محاکمه
وتدقیقات نتیجه سنده مذکور سندن درجالتندن مرور
ایدن ایامک گذشته سی حقنده برکونامقاوله اولدینی
جهتله مبلغ مذکورک تاریخ استدعادن اعتباراً
ایشلش یدی آی التی کونلک فائضیه بالغ
اولدینی ایکوز الی بش غروش اوچ بحق
پاره نک مدایات قرارنامه سنک ماده مخصوصه سی
موجبجه لیرا یوز اوتوز غروش حسابیه مدعی
علیه مرقوم علین تحصیلنه حکمدن واشبو حکم
علیهنده مستدعی تمیز شعبه مذکوره وکیلی
مصطفی رشدی افندینک لایحه سنده محرر
اعتراضاتک باشلوجه سی منافع صندوقی عمومه
متعلق تأسیسات خیریه دن اولدینی وتشکیلات
محاکم قانوننک التمش بشنجی ماده سی موجبجه

بومثللو تأسیسات خیریه متعلق دعوالرک رؤیت
ومحاکمه سنده مدعی عمومی ویا وکیللرینک
بولنمسی لازم کلور ایکن حاضر بولندیرلماسی
مغایر قانون اولدینندن بحثله اعلامک نقضی
وانف البیان مطالعه نامه مندرجاتی دخی دعوی
زراعت بانک سینه عائد و بوده اموال عمومیه دن معدود
اولدینی حالده انشای محاکمه مدعی عمومینک
حاضر بولندیرلماسی مغایر قانون اولدینی بیانندن
عبارت بولنمشدر

ایجابی لدی المذاکره اعلام مذکور
مطالعه سندن مستبان اولدینی اوزره دعوای واقعہ
زراعت بانک سینه عائد اولدینی حالده انشای محاکمه
مدعی عمومینک حاضر بولندیرلماسی مغایر قانون
اولدینندن اصول محاکمه حقوقیه قانوننک ایکوز
اوتوز ایکنجی ماده سی موجبجه اعلام مذکورک
نقضیه قانون مزبورک ایکوز قرق دردنجی
ماده سی حکمنه توفیقاً کیفیتک بالرؤیه اعلامه ربطی
محکمه مذکوره یه اعاده سینه وزیرده مفرداتی
مرقم اوچوز اوتوز اوچ بحق غروش مصارف
تمیزیه نک ایلروده حقسنر چیه جحق طرفه رجوع
ایتمک اوزره اول امرده مستدعی تمیز زراعت
بانقه سی وکیلی مصطفی رشدی افندین اخذینه

۱۰ کانون نانی سنه ۳۱۳ تاریخنده متفقاً قرار ویرلدی .

دیاربکر قصبه سنده یکی خان قربنده مقیم طبیب هدایت افندینک مخدومی توتونچی اصنافدن خلیل ایله قصبه مذکورنک اسکندر پاشا محله سی ساکنه لرندن نوریه خانم بنت حسین بیننده متحدث دعوایه دأر دیاربکر بدایت محکمه سندن ۲۸ مایس سنه ۳۱۲ تاریخی ویکرمی بر عددی ایله صادر اولان اعلام مرقوم خلیل طرفندن تمیز اولمغله اعلام مذکور طرفینک اعتراض وجواب لایحه لرله بالمطالعه تدقیقات تمیزیه اجراسنه ابتدار اولندی

اعلام مذکورک خلاصه مآلی مزبوره نوریه خانم مومی الیه هدایت افندینک دیگر مخدومی متوفی فائق ذمتده بلا سند یکریمی بش عدد عثمانلی لیراسی اله جنی اولدیغندن بمحله مبلغ مزبورک ترکه سنه واضع الید بولنان برادری مرقوم خلیلدن مع فائض تحصیلنی طلب و دعوی

ایتمسنه قارشو مرقوم خلیل دخی برادرینک بورجندن معلوماتی اولیوب برسند واریسه ابراز ایدلسنی مدافعه درمیان ایتمسی اوزرینه جریان محاکمه و تدقیقات نتیجه سنده مزبوره نوریه خانمک متوفای مرقوم فائقه شرکت و تجارت ایچون یکریمی بش عدد عثمانلی لیراسی ویردیکی استماع قلنان شهودک شهادت لرله تحقیق ایلدیکنه بناء مبلغ مزبورک مع مصارف محاکمه متوفای مرقومک ترکه سنه واضع الید اولان برادری مرقوم خلیلدن بالتحصیل مزبوره نوریه خانمک تسلیمه حکمدن ومستدعی تمیزک اشبو اعلام علیهنده لایحه سنده محرر باشلوجه اعتراضی برادری متوفانک ورثه سی کیلردن عبارت ایدوکی وکندوسی ترکه سنه واضع الید اولوب اولدیننی اصولاً اثبات ایتدیرلمک لازم کلورکن ورثه نک کیلردن عبارت اولدیننی تدقیق اولمغسین وکندوسنک ترکه متوفایه وضع یدی ثابت اولمغسین مبلغ مزبورک کندوسندن تحصیلنه قرار ویرلسی یولسز و مغایر قانون اولدیغندن بمحله اعلام مذکورک نقضی استدعاسندن ومدعی علیهانک نتیجه جوابی دخی اعتراض مذکورک غیروارد اولدیننی بیانیله ردی و اعلام مذکورک تصدیق طلبندن عبارتندر ایجابی مذاکره اولندقدن اعلام مذکور

مندرجاتندن منقهم اولدیننی اوزره مزبوره نوریه خانمک متوفی فائق ذمتده اولان اله جنمک برادری خلیلدن تحصیلنی دعوی ایلمسنه نظراً اول امرده مزبور خلیلک ترکه متوفایه واضع الید اولدیننی اصولاً اثبات ایتدیرلمک وثبوت بولدیننی صورتده وضع ید ایلدیکی مقدار ایله محکوم اولمق ایجاب ایدر ایکن بویولده تدقیقات اجرا قلمامش

ومحله حکمنه توفیقاً مزبوره نوریه خانمک بریمین استظهار ویرلمک لازم کلورکن بودخی اجرا ایتدیرلامش و حکمه اساس اتخاذا قلنان شهودک ترکیه علیهنه لری کیلردن و ترکیه سریه لری کیلردن اجرا قلندیننی اعلامده کوسترلامش وبونلر ایسه یولسز ونواقص قانونیه دن معدود بولمیش اولدینغه بناء اصول محاکمه حقوقیه قانوننک ایکوز قرق برنجی ماده سی موجبجه اعلام مذکورک نقضیه قانون مزبورک ایکوز قرق دردننجی ماده سی حکمنه توفیقاً کیفیتک بالرؤیه اعلامه ربطی ضمیمه محکمه مذکوریه اعاده سنه وزیرده مفرداتی مرقم درتیوز سکز بمحق غروش مصارف تمیزیه نک ایلروده حقسز چیقه حق طرفه عائد اولمق اوزره اول امرده مستدعی

دده اغاج سنجانمک حمیدیه محله سنده مقیم بنایوط لؤنداریدی ایله لواء مذکوریه تابع مکری قصبه سنک اشانی محله سنده ساکن عبد الکرم اغا بیننده متحدث دعوایه دأر دده اغاج بدایت محکمه سندن ۶ حزیران سنه ۳۱۲ تاریخی والتمش درت عددی ایله ویریلان اعلام مرقوم بنایوط طرفندن تمیز ایدلمکله اعلام مذکور طرفینک اعتراض وجواب لایحه لرله بالمطالعه تدقیقات تمیزیه اجراسنه ابتدار قلندی

اعلام مذکورک خلاصه مآلی مرقوم عبد الکرم اغانک مزبور بنایوطه با اعلام محکوم به دیننه مقابل مرقومک رسولی بولنان پینو قادین واسطه سیله ایکی دفعه ده قرق التی کیله شعر بدلی اوله رق تسلیم ایلدیکی طقوز یوز یکریمی غروشک دین مذکوردن اجرای محسوبنه دأر مرقوم عبد الکرم اغانک استحصال ایلدیکی اعلام غیابی

علیهند مرقوم بنایوط طرفندن اعتراض علی الحکم
ایلمسی اوزرینه محکمه جه جریان ایدن محاکمه
وتدقیقات وجاهیه نتیجه سنده معترض مرقوم بنایوط
مزبوره پینو قادی کندیوسنک رسولی اولدیغنی
و مذکور المقدار شعیر مأخوذی بولمادیغنی درمیان
ایتمکده ایسه ده مزبوره پینو قادی مرقوم
بنایوطک رسولی اولدیغنی و داین مرقوم حسابنه
اولقدار شعیر مأخوذی بولمادیغنی عند التزکیه
مقبول الشهاده اولدقلری خبر ویریلان شهودک
شهادت واقع لریله تبیین و تحقیق ایتمکله معترض
مرقوم بنایوطک سرد ایلمدیکی اعتراضاتک ردیله
اعلام غیابینک تصدیقنه و مرقوم بنایوط مزبوره
پینو قادی علیه اقامه دعوا ده مختار بولمسنه
حکمدن و مستدعی تمیز مرقوم بنایوطک اشبو
حکم علیه لایحه سنده محرر اعتراضاتک
خلاصه سی کندوسنه تسلیم اولدیغنی ادا ایدیلان
شعیردن اون درت کیله سی حقه اقامه اولنان
شهودک شهادتلیری یونگیکن مذکور المقدار
شعیرک دخی شهود ایله ثابت اولدیغنه حکم ایلمسی
و علیه صادر اولان اعلام غیابینک مندرجاتی
نه دن عبارت اولدیغنی عیناً و یاخود خلاصه
اعلام وجاهیه درج اولمسی لازم کلور ایکن
درج و تمیق اولمماسی یولسز و مخالف قانون

اولدیغندن بجه اعلام مذکورک نقضی استدعاسندن
و مدعی علیه عبد الکریم اغانک لایحه سنده محرر
نتیجه اجوبه سی دخی سرد اولنان اعتراضات واهی و بی
اولدیغنی بیانیله ردی و موافق اصول و قانون
اولان اعلامک تصدیق طلبندن عبارت بولمشد
ایجابی مذاکره اولندقه اعلام مذکور
مطالع سندن اکلشلیغنی اوزره بدایه معترض
اولان مستدعی تمیزک بدایت محکمه سنده و بوکره
محکمه تمیزده اعلام غیابی و وجاهی حق لرنده
سرد ایلمدیکی اعتراضاتک وارد اولوب اولدیغنی
اکلشلی اعلام غیابی مائلک اعلام تمیزبه عیناً
درجیله تحقیق ایده جکی جهته اعلام مذکور
مندرجاتک اولوجه لدرجندن صرف نظر
ایلمسی و خصوصیه مدعی تسلیماتک اوچیز
یدی سنه سنده واقع اولدیغنی ادا ایلمدیکی حالد
بو باده اقامه اولنان شاهدلرک تسلیمات مذکورنک
اوچیز سکز سنه سنده وقوع بولدیغنی بیان
واقعه ایتملرینه نظراً دعوی ایله شهادت بیننده
زماناً حاصل اولان اختلاف قبول شهادت مائع
اسبابدن بولمیش ایکن بوراسی دخی درپیش
مطالع ایلمکسزین بوباده کی اعتراضک ردینه
قرار ویرلمسی یولسز و مخالف قانون اولدیغندن
اصول محاکمه حقوقیه قانوننک ایکوز اتوز

ایکنجی ماده سی موجبجه اعلام مذکورک نقضیه
قانون مذکورک ایکوز قرق دردیجی ماده سی
حکمه توفیقاً کفینک بالرؤیه اعلامه ربطی
ضممنده محکمه مذکوریه اعاده سنه وزیرده
مفرداتی مرقم اوچیز سکسان سکز بچق
غروش مصارف تمیزیه نک ایلروده حقسنز
چیه جق طرفه عائد اولق اوزره اول امرده
مستدعی تمیزدن اخذیه اغستوس ۱۳ سنه ۳۱۲
تاریخنده متفقاً قرار ویرلدی .

باقره قصبه سنک روم محله سنده مقیم تجارندن
آرزو اوغلی یوردان ایله قصبه مذکورنک
جامع کبیر محله سنده مقیم تجارندن محرر زاده
حاجی محمد افندی بیننده متکون دعوایه دأر
جانیکن تجارت محکمه سندن ۱۵ تموز سنه ۳۱۴
تاریخی و اتوز اوچ عددی ایله استینافاً ویریلان
اعلام مرقوم یوردان طرفندن تمیز ایلمکله
اعلام مذکور طرفینک اعتراض و جواب
لایحه لریله بالمطالع تدقیقات تمیزیه اجراسنه ابتدار
قلندی

اعلام مذکورک خلاصه مالی مومی الیه
حاجی محمد افدینک بر قطعه سند موجبجه
مرقوم یوردان ذمتنده الهجی اولان یوز اون
لیرانک تأمین استیفاسی ضمننده مدیون مرقومک
متصرف اولدیغنی اموال منقوله و غیر منقوله سی
اوزرینه وضع اولنان حجزک تصدیق و اولباده کی
حکمک موقتاً اجراسنی طلب و دعوی و بر قطعه
سند اراز و اعطا ایتمسنه قارشو مدعی علیه
مرقوم یوردان دخی سند مذکورک اقرار ایله
برابر الحق مبلغ مدعا بهی قرض صورتیه اخذ
ایتموب مدعی ایله بینلرنده وقوع بولان معاملاتک
رؤیت اولنان محاسبه سندن نشأت ایلمدیکی و حساب
مذکورده سهو و فاحش فائض اولدیغنی درمیان
ایلمدیگندن محاسبه لرنک رؤیتی مدافعه بیان ایتمش
ایسه ده اشبو مدافعه سی سند مندرجاته مخالف
اولدیغنی کی مدعینک تحلیفنی دخی طالب اولدیغنی
جهته مبلغ مدعا به مذکور یوز اون لیرانک
مع فائض مرقوم یوردان تحصیلنه و اولباده کی
حجزک تصدیقیه حکمک موقتاً اجراسنه دأر باقره
تجارت محکمه سندن بدایه ویریلان اعلامی
مرقوم یوردان عدم قبول ایله استیناف دعوی
ایتمی اوزرینه اعلام ابتدائی مذکورک فسخیه
جریان ایدن محاکمه و تدقیقات استینافیه نتیجه سنده

موافق اصول وقانون اولديغى بيانيله اعلامك
تصديقي طلبندن عبارتدر

ايجابى مذاكره اولندقده اعلام مذكور
مأئندن اكلاشديغى اوزره بديء ويريلا ن قرارك
عند الاستيناف فسخيله جريان ايند تدقيقاتده
مرقوم يوردانك مبلغ مدعا به مياننده فاحش
فائض اولديغى حقنده كي ادعاسى ذرجه ثبوت
ايصال ايده مامش اولديغى كې بدایت محكمه سنده
يمين دخى تكليف ايتامش اولديغى سر رشته سييله
ادعاى مذكوري رد ايدلش ايسده حكم ابتدائى
فسخ ايدلش اولسنه نظراً بيكيدن جريان ايند
محاكمه نتيجه سنده مدعى عليه دفع مذكورينى
اثبات ايده مديكى صورتده مدعينك تخليفي اقتضا
ايدر ايكن استيناف محكمه سنجه مدعى عليهك
بدایت محكمه سنده طالب تخليف اولمامش اولسنه
استناداً مدعى عليهك رد مدافعه سييله مبلغ
مدعا بهك تحصيلنه قرار ويريلى مخالف قانون
اولديغندن اصول محاكمه حقوقيه قانونك
ايكيوز قرق برنجى ماده سى موجبجه اعلام
مذكورك نقصنه وقانون مزبورك ايكيوز قرق
در دنجى ماده سى حكمه توفيقاً كيفيتك صورت
محرره دائره سنده بالرؤيه اعلامه ربطى ختمنده
محكمه مذكوريه اعاده سنده وزيرده مفرداتى مرقم

مبلغ مدعا به مياننده فاحش فائض اولديغى اثبات
ختمنده مستأنف مرقوم جانبندن ابراز اولنان
التى قطعه سند بصورتى مثبت ومؤيد اولديغندن
التى قطعه سندده ادعا اولديغى وجهله ومدعينك
ادعاسى دخى سنده مستند اولوب مستأنف مرقوم
بدایت محكمه سنده طالب تخليف دخى اولمامش
ايدوكندن مبلغ مدعا نك فائضيله برابر بالغ
اولديغى يوز اون درت ليرانك مستأنف مرقوم
يوردانن تحصيلنه ودرجه اولى محكمه سنجه
مستأنف مرقومك اموال غير منقوله سى حيز
ايدلش ايسده اموال غير منقوله نك حيزى
تجارت محكمه سنك وظيفه سى خارجنده
اولديغندن يالكز اموال منقوله حقنده كي حيزك
تصديقه واجراى موقت حقنده كي طلبك ردينه
حكمندن ومستدعينك اشبو حكم عليهنده
لايحه سنده محرر باشلوجه اعتراضى مبلغ مدعا بهك
فاحش فائضندن منبعث اولديغى بيان ايديله رك اثبات
مدعا ختمنده التى قطعه سند دخى ابراز ايدلش
ايكن محكمه جه بوجهت نظر دفته النيه رق
بر منوال محرر قرار ويريلى مغاير قانون
اولديغندن بختله اعلامك نقضى استدعاسندن
ومدعى عليهك نتيجه جوابى دخى حكم واقع

اوچيوز سكران سكر بچق غروش مصارف
تميزيه نك اينروده حقسنر چيقه جق طرفه عائد
اولق اوزره اول امرده مستدعين اخذينه
۹ كانون ثانى سنه ۳۱۴ تاريخنده متفقاً قرار
ويرلدى .

ماليه نظارت جليله سييله بغدادك قريه باشى
محله سنده مقيم احباب املاكن عبد اللطيف
اغاك مخدومى عبد الرزاق افندى ينسلرنده
متحدث دعوايه دائر بغداد استيناف محكمه سندن
۱ شباط سنه ۳۱۳ تاريخى ويكرمى طقوز عددى
ايله ويريلا ن اعلام خزينه مشار اليها طرفندن
تميز ايدملكه باش مدعى عموميلك مأموريت
عليه سنك مطالعه نامه سى الندقدن صكره طرفينك
اعتراض وجوب لايحه لريله بالمطالعه تدقيقات تميزيه
اجراسنه ابتدار اولدى

اعلام مذكورك خلاصه مالى خزينه
جليله وكيلى عبد الجبار افدينك محموديه نهر
شركتك حفرى چون مال صندوقندن صرف

اولنان مبالغدن حق شرب اصحابندن اولان
متوفى عبد اللطيف اغاك حصه سى بولنان اوتوز
بيك التيوز اوتوز يدى غروش يكرمى يدى
ياره نك متوفى موسى اليك مخدومى عبد الرزاق
افندى تحصيلنى طلب ودعوى واون يدى
قطعه ورقه ابراز واعطا ايتسنه قارشو مدعى عليه
عبد الرزاق افندى دخى پدرينك ميريه بركونه
ذمتى اولديغى ووار ايسه سندرلينك ابراز
ايدلسنى مدافعه بيان وانبأ ايتسى اوزرينه اولبايده
اجرا قلنان محاكمه وتدقيقات نتيجه سنده خزينه
جليله نك مدعى عليه عبد الرزاق افندى ارادىغى
سالف الذكر اوتوز بيك كسور غروشك
مدعى عليهك رضا سى وياخود حاكمك اذنى ايله
صرف ايدليكي ثابت اوله مامش وبناء عليه مبالغ
مدعا بهانك تبرعاً صرف ايدليكي اكلاشلىش
اولديغندن خزينه وكيلىك رد ادعاسنه دائر بديء
صادر اولان اعلامك استينافاً تصديقه حكمندن
واشبو حكم عليهنده مستدعى تميز خزينه وكيلىك
باشلوجه اعتراضى ادعا اولنان مبلغ نهر مشترك
حفرىاتى مصرفى اولوب بو ايسه مجلس اداره
قرارينه مستند ومدعى عليه عبد الرزاق افدينك
مورثى متوفى عبد اللطيف اغاك مبلغ مذكورندن
بر مقدارينى اعطا ايتسى صورتيله رضاسنه مقارن

اولدینف حالده محکمه جه بوراسنه دقت اولنمقسنزین
برمنوال محرر حکم اولنمسی مخالف قانون
اولدینفندن بختله اعلامک نقضی استدعاسندن
ومدعی علیک بوکا قارشو لایحه سنده محرر نتیجه
جوابی دخی مبلغ مدعا به متوفی پدرینک رضاسیله
صرف ایدلینک دأر اوراق نبوتیه اولدینفی
جهتله اعتراضات مسروده نک واهی و بی اساس
اولدینفی بیانیله ردی و موافق قانون اولان اعلامک
تصدیق طلبندن وائف الذکر مطالعه نامه مالی
دخی دعوائی واقعه مشترک نهرک حفریاتی
مصارفاته دأر اولوب بوده مجلس اداره قرارینه
مستند بولنمسه وصور سائر ایل ابات مدعا
ایدیلوب ایدیلهمیه جکنک استفسار واستيضاح
اولنمقسنزین بدایت قرارینک تصدیقه قرار
اعطاسی مغایر قانون اولدینفی بیانندن عبارتدر

حلب ولایتی داخلنده بیان قضای
اهالیسندن اولوب موقتاً اسکندرونده مقیم
کولیان سرکز و بالیان ارام اغالرایله اسکندرونک
کمرک جوارنده مقیم تجارندن سمعان صانع
واولادلری بیننده متکون دعوائیه دأر اسکندرون
تجارت محکمه سندن ۱۴ حزیران سنه ۳۱۳
تاریخی وسکز عددی ایل ویریلان اعلام
مرقومان سرکز و ارام اغالر جانبدن تمیز اولنمغله
اعلام مذکور طرفینک اعتراض و جواب

لایحه لریله بالمطالعه تدقیقات تمیزیه اجرا سنده ابترار
قلندی

اعلام مذکورک خلاصه مالی مرقوم
سمعان صانع واولادلری مرقومان سرکز
وارام اغالر ذمتنده برقطعه قامیصال موجب
غیراز استیفا اله جقلری بولنان اون اکیبیک
غروشک مرقومان سرکز و ارام اغالردن
تحصیلنه دأر استحصال ایدلکری اعلام غیابی
حکمنه عدم قناعتله مرقومان سرکز و ارام اغالر
طرفندن اعتراض علی الحکم عرضحالی اعطا
قلمسیله طرفینک بر درجهیه قدر محاکمهی اجرا
قلنهرق اکال محاکمه وقت اخره تعلیق قلمش

اولدینفی کبی یوم مذکورده هیئت حاکمندن اعضا
قره بت افندینک نامراج بولنمسی جهتیله یرینه
باش کاتب یورغاکی افندینک تعیینیه وجاهاً
جریان ایدن محاکمه و تدقیقات نتیجه سنده
عند الاعتراض درمیان اولنان اعتراضات حکم
اولی فسخ و جرح ایدر درجهده کوریه مامش
اولدینفی کبی مستند ادعا اولان قامیصالده کی
امضالک مدعی علیهمانک ایدلکری غیاباً جریان
ایدن محاکمه اثناسنده اجرا قلنان تطبیقات ایل
تبیین و تحقیق ایتش اولدینمسه بناءً اعتراضات

مسروده نک ردیه حکم اولک تصدیقه حکمدن
ومستدعی تمیز سرکز و ارام اغالرک اشبو حکم
علینده لایحه لرنده محرر اعتراضلریک باشلوجهلری
اثنای محاکمه ده بولنمیان و طرفینک ادعا و مدافعه سنی
استماع ایتیمان باش کاتب یورغاکی افندینک اعضا
قره بت افندینک یرینه تعیین قلنهرق انک
حضوریه حکم و قرار ویرلسی یولسز و مغایر
قانون اولدینفندن بختله اعلامک نقضی استدعاسندن
ومدعی علیهما سرکز و ارام اغالرک لایحه لرنده
مندرج نتیجه جوابلری دخی حکم واقع موافق
اصول و قانون ایدوکی بیانیله اعتراضات
مسروده نک ردی و اعلامک تصدیقی طلبندن
عبارت بولنمشدر

ایجابی مذاکره اولنسدقده اعلام مذکور
مألندن مستبان اولدینفی اوزره هیئت حاکمه
میاننده تبدیل وقوع اولدینفی حالده تکریر و تجدید
محاکمه جهته کیدلمکسنزین همان مذاکره
ابتدار ایدلسی قانونه مغایر و مستدعی تمیزلرک
اعتراضی بوجهته متدأر اولهرق وارد و موافق
نفس الامر اولدینغه بناءً اصول محاکمه حقوقیه
قانوننک ایکوز اوتوز ایکنجی ماده سی موجب
اعلام مذکورک نقضیه قانون مزبورک ایکوز
قرق دردنجی ماده سی حکمنه توفیقاً کیفیتک

بروجه مشروح اعلامه ربطی ضمننده محکمه مذکوره به اعاده سنه وزیرده مفرداتی مرقم اوچوز طقسان اوچ بچق غروش مصارف تمیزیهنک ایلروده حقسنر چیه حق طرفه رجوع اتمک اوزره اول امرده مستدعی تمیزلردن اخذیه ۳۰ کانون اول سنه ۳۱۳ تاریخنده متفقاً قرار ویرلدی .

یدی قله خارجنده فاتح سلطان محمد خان محله سنده نومروسز خانه ده ساکن قصاب اصنافدن اندریقو ایله بشکطاشده کوی ایچنده کلیسا زقاغنده درت نومرولی خانه ده مقیم موسیکیان بغوص بک و همشیره سی ارانیک خانم بینلرنده متکون دعوایه دار محکمه استیناف حقوق قسمندن ۳۰ ایلول سنه ۳۱۴ تاریخی و یوز اوتوز عددی ایله ویریلان اعلام مرقوم اندریقو طرفندن تمیز اولغله اعلام مذکور طرفینک اعتراض وجواب لایحه لریله بالمطالعه تدقیقات تمیزیه اجرا سنه ابتدار اولندی

اعلام مذکورک خلاصه مالی مرقوم اندریقو سرپوهی خانمک امری ایله حال حیاتنده اشجیسی خجاطوره اعطا ایلش اولدینی لم ائمانندن غیراز استیفا ذمتده اون التیبیک سکز یوز التمش غروش الهجی قالمش ومدعی علیهما بغوص بک وارانیک خانم ایسه متوفاه مزبوریه وارث بولنش اولدیغندن بحسب الوراثه مبلغ مذکورک تحصیلنی بک اوغلی بدایت محکمه سی برنجی حقوق دائره سنه مراجعتله طلب ودعوی وبردجه قدر محاکمه وجاهیه اجرا قلنش ایسده اخیراً تعیین اولنان کونده مدعی علیهما بغوص بک وارانیک خانم کلامش اولدقلرندن وکیل مسخر حضور یله جریان ایدن محاکمه وتدقیقاتده مدیونه متوفانک ذمته ترتب ایدن مبلغ مذکورک اداسنه مومی الیهما بغوص بک وارانیک خانم کفالت ایتش اولدقلری استماع قلنان شهودک شهادت واقعه سیله ثابت اولدیغندن مجله نك التیوز اوتوز بشجی ماده سی موجبجه مدعابه اون التیبیک سکز یوز کسور غروشک بحسب الکفاله مدعی علیهمادن تحصیلنه دار محکمه مذکورده دن ویریلان اعلامک عندالاستیناف فسخیه جریان ایدن محاکمه وتدقیقات استینافیه نتیجه سنده مستأنفان بغوص بک وارانیک خانمک

مورنه لری متوفاه سرپوهی خانمک امریله وکیلخرجی خجاطوره ویرمش اولدینی لم ائمانندن متباقی اون التیبیک سکز یوز التمش غروشک تأدیه سی مومی الیهما بغوص بک وارانیک خانمک تعهد ایتش اولدقلرندن بحمله مبلغ مذکورک انلردن تحصیلنی دعوی ایلسنه قارشو مومی الیهما بغوص بک وارانیک خانم دخی متوفاه مومی الیهانک لم ائمانندن مدعی مرقومه اون التیبیک کسور غروش دینی اولدینی مرقوم خجاطور جانبندن بیان واقرار اولنور ایسه ویرمجه کلرینی درمیان ایتلری اوزرینه و مرقوم اندریقو دخی خجاطوره خصومت توجه ایتیه جکندن مستأنفلر خجاطوردن کندولری استفسار ایتلری لازم کله جکنی آتیان وجریان ایدن تدقیقات نتیجه سنده مستأنف علیه اندریقو بنه تحریریه ایله اثبات مدعادن اظهار عجز ایله کرک متوفاه مزبوریه سرپوهی خانمک امریله اندریقونک وکیلخرج خجاطوره لم ویردیکنی و ائمانندن غیراز استیفا اون التیبیک سکز یوز التمش غروش بورجی بولندیغنی بیلدکلرینه و کرک دین مزبورک اداسنی تعهد والنزام ایلدکلرینه دار مومی الیهما بغوص بک وارانیک خانمک اجرای تحلیفلرینه قرار ویرمش اولدینی خالده مرقوم اندریقو بوبابده

شهود شخصی استماعی مجاز ایدوکنی بالیان مومی الیهما بغوص بک وارانیک خانمک تحلیفلرینی اجرا ایتدیرمالمش اولدیغندن مجله نك بیک سکز یوز اون طقوزنجی ماده سی موجبجه مستأنف علیه اندریقونک مستأنفان بغوص بک وارانیک خانم قارشو معارضه دن منعه حکمندن و مستدعی تمیز اندریقونک اشبو حکم علیهنده لایحه سنده محرر اعتراضاتک خلاصه سی کندوسی یومیه اوزرینه بقال کبی اخذ واعطاده بولوب نرذنده محفوظ اولان دفتره قید ایتمکه اولوب مشتریدن علم و خبر اخذی ایسه عادت بلده اولدینی کبی بومقوله مطلوباتک اثباتی ایچون شهود شخصی استماعه جواز قانونی دخی بولنش واثباتدن اظهار عجز ایله یمینک اجرا وعدم اجرا سنه دار کندوسندن برکونه افاده سبق ایتامش ایکن استیناف محکمه سنجیه بوجه محرر قرار ویرلمسی بولسز ومغایر قانون اولدیغندن بحمله اعلام مذکورک نقضی استدعاسندن ومدعی علیهما بغوص بک وارانیک خانمک لایحه سنده مندرج نتیجه جوابلری دخی اعتراضات مسروده نك واهی و بی اساس اولدینی بیانیه ردی وموافق اصول وقانون اولان اعلامک تصدیقی طلبندن عبارت بولمشدر

اوجابی مذاکره اولدوقده اعلام مذکور
مطالعہ سندن منہم اولدینی اوزره اثنای محاکمہ
استینافیدہ موسیٰ الیہما بغوص بک وارانیك خانم
متوفاة سرپوی قادینک لخم امانندن مرقوم
اندریقویہ اون التییک کسور غروش بورجی
اولدینی اشجیسی خچاطور بیان واقرار ایدر
ایسہ اعطا ایدہ جکلرینی بیان ایتدکلری جہتلہ
محکمہ جہ مرقوم خچاطورک جلیلہ استیضاح
کیفیت اولنمق لازم کلور ایکن مرقومک جلب
ایدلامسی یولسز ومغایر قانون اولدیغنه بناء اصول
عماکہ حقوقہ قانونک ایکوز قرق برنجی
مادہسی موجبہ اعلام مذکورک تفضیلہ قانون
مذکورک ایکوز قرق دردنجی مادہسی حکمنہ
توفیقاً کیفیتک صور محررہ دائرہ سندنہ اعلامہ
ربطی ضمنندہ محکمہ مذکورہ یہ اعادہ سنہ وزیردہ
مفرداتی مرقم درتیوز سکسان التی بحق غروش
مصارف تمیزینک ایلرودہ حقسنر چیقہ جق
طرفہ رجوع ایتک اوزره اول امردہ مستدعی
مرقوم اندریقودن النسنہ ۱۱ مایس سنہ ۳۱۵
تاریخنندہ متفقاً قرار ویرلدی .

اعلام مذکورک خلاصہ مالی مرقوم
زخاریادی افندی مزبورہ صلطانہ قادینک
چوققلرینہ فرانسزجہ وروجه درس کوسترمک
اوزره شهری بش تام وبرچاریک لیرا اجرت
ویرمک شرطیلہ عقد مقاولہ ایدرک برماہ درس
ویروب اجرتہ کسب استحقاق ایلش اولدیغندن
مبلغ مذکور ایلہ یازی تحتہسی بدلی اولان قرق
درت غروشک معاً تحصیلنی طلب ودعوی
ایتمسی ولاجل المحاکمہ وقوعبولان دعوتہ
مدعی علیہا صلطانہ قادینک اجابت ایتامسی
اوزرینہ تعین قلنان وکیل مسخر حضوریلہ
جریان ایدن محاکمہ وتدقیقات نتیجہ سندنہ

عند الاعتراض ايجاب قانونیسنہ باقلمق اوزره
مدعاہ بش تام برچاریک ایرا ایلہ تحتہ بدلی
اولان قرق درت غروشک مدعی علیہا صلطانہ
قادینک بالتحصیل مدعی زخاریادی افندی یہ
اعطاسنہ حکمدن ومستدعیہ تمیز صلطانہ قادینک
اشبو حکم علیہندہ لایحہ سندنہ محرر اعتراضاتک
خلاصہسی مدعی مرقوم زخاریادی افندی معین
مدتلہ اجرت تدریسہ تقدیر اولمغوب قسط الیوم
حسابیلہ ویریلہ جکی مشروط اولسنہ وادعا
ایلدیکی آیدہ ایسہ سکز کون دوام ایدرک یالکز
بونک ایچون اجرت لازم کلہ جکنہ کورہ بویلہ
معین اولیان ایچارک فاسد اولہ جنی مجلہنک
مادہ مخصوصہسی ایجابندن ایکن محکمہ جہ
بورالزینہ دقت اولمغیر ق بروجہ محرر حکم
اولنمسی مغایر قانون اولدیغندن بحثلہ اعلام
مذکورک نقضی استدعاسندن ومدعی علیہ
زخاریادی افندیکی نتیجہ جوابی اعتراضات
مسروودہنک واهی وبی اساس اولدینی بیانیلہ
ردی وموافق اصول وقانون اولان اعلامک
تصدیقی طلبندن عبارت بولنمشدر

اوجابی مذاکره اولدوقدن اعلام مذکور
مندرجاتندن منہم اولدینی اوزره بدایہ مدعی

زخاریادی افندی قنئی آی ایضای خدمتلہ
تکمیل اجرتہ کسب استحقاق ایلدیکی حقندہکی
ادعاسی تصحیح ایتدیرلکدن صکرہ وکیل مسخرک
انکاری اوزرینہ مدعاسنی نہ صورتلہ اثبات
ایدہ جکی کندوسندن سؤال اولتمق ایجاب ایدر
ایکن بودائرہ قانونیہدہ ایضای معاملہ اولمغیر ق
مدعی مرقومک اعتراض وانکاری حالندہ
ایجاب قانونیسی اجرا اولتمق اوزره مبلغ مدعاہک
بلا ثبوت تحصیلنہ حکم اولنمسی مغایر اصول
وقانون بولندیغنه مبنی اصول محاکمہ حقوقہ
قانونک ایکوز قرق برنجی مادہسی موجبہ
اعلام مذکورک تفضیلہ قانون مذکورک ایکوز
قرق دردنجی مادہسنہ توفیقاً کیفیتک صور
مشروحہ دائرہ سندنہ بالرؤیہ اعلامہ ربطی ضمنندہ
محکمہ مذکورہ یہ اعادہ سنہ وزیردہ مفرداتی مرقم
اوجوز طقسان سکز بحق غروش مصارف
تمیزینک ایلرودہ حقسنر چیقہ جق طرفہ رجوع
ایتمک اوزره اول امردہ مستدعیہدن النسنہ ۳۰
نیسان سنہ ۳۰۲ تاریخندہ متفقاً قرار ویرلدی .

ظرفنده محكمه به كلديكي حالده قانونه اطاعت
 ايتماش نظريه باقيله رق محاكمه سي غياياً بالا اجرا
 حقوق مدنيه دن اسقاط واموالى حيز ايديله جكي
 وبواننده مرقومك اقامه دعوايه حق اوله ميه جني
 كبي مرقومك بولنديغي محلي بيلنلر خبر ويرمكه
 وبالجملة ضابطه عدليه مأمورلرينك مرقومى
 دردست ايتمكه مجبور بولندقلرى بيانيله اعلان
 كيفيت اولنور .

۱۶ اغستوس سنه ۳۱۵

اعلان

اوچيوز اون درت سنه سي تموزينك
 سكرنجي كوني يورك طافه سندن وزير اوغلى
 مصطفىانك نهارة و مسلماً چادريني باصه رق مرجان
 اوغلى محمودك تحت نكاحنده بولنان كريمه سي
 باكره طوطى بي جبراً قالد يروب بكريني ازاله
 ايلديكي ادعا قلمسندن طولايي مظنون اولوب
 حال فرارده بولنان و در سعادت هيئت اتهاميه سندن
 بالاتهام حقنده اخذ و گرفت مذكره سي ويرلش
 اولان اوزون بويلى چيچك بوزونى اسمربكزلى
 تربيقلى يكرمى ياشلرنده يورك طافه سندن
 وكز كنجي طاقتدن عرب محمود اوغلى ابراهيم
 الآن اله كچوريه مامش اولديغندن اصول محاكمات
 جزاييه قانوننك اوچيوز تيمش برنجي ماده سنه
 توفيقاً قانونه اطاعته محكمه به كلك اوزره تاريخ
 اعلاندن اعتباراً فرارى مرقومه جانب رياستدن
 اون كون مهل ويرلش اولمغله مدت مذكوره